

Athör Jemith

Wët nhom

Athör Jemith aa kāk cī gāt kōc cī Nhialic gam cī thiēi pinyinhom ēbēn. Raan ē gāt athör acī wēl juēc ē waal path gōt bī yen kōc lēk ŋīny ē kāŋ, rin bī kōc cī gam, rōt tiit ku luoi path. Acī wēl juēc lueel tēnē kōc cī gam, wēl cīmēn wēl ē jieek, ku ŋōōŋ ku thēm ē jōŋrac, ku luoi ku tiēel, ku gam kek ē luoi, ku liem path ku ŋīny ē kāŋ, ku agōth ku nhiam ku piath, ku luk kōc kōk wei. Ku nyooth ē rot ke nhiam ku lier ē puūu ku rōök. Athör ē jam apei bī gamda rot ya nyuōōth luoida yic.

Kāk tō thin

Muōth	1:1
Thēm ku thōoc kērac yic	1:2-18
Piŋ ku luoi	1:19-27
Duōkkē kōc ye tek yiic.....	2:1-13
Gam ku luoi	2:14-26
Dut liemdu.....	3:1-12
Ŋīny kāŋ bō tēnē Nhialic.....	3:13-18
Thōnkē rōt Nhialic.....	4:1-10
Duk menhkui nyieny	4:11-12
Duōkkē ye tol.....	4:13-17
Lēk tēnē Ajieek	5:1-6
Pēl rot piny ku Rōök.....	5:7-20

1 Athör Jemith, aluaŋ Nhialic ku Bānyda Jethu Krītho tēnē kōc cī gam, cī weer pinyinhom. Ku muōōth ke.

Thēm ku thōoc kērac yic

²Miēthakāi, calkē aye miēt ē guōp tē teem kuat kēril rot ē dhēldun yic, ³rin aŋieckē akōl ye gamdun la tueŋ kārīl yiic, kēn bēn bei thīn ē

1:1 Mt 13:55; Mk 6:3; Luoi 15:13; Gal 1:19

riel ë puöu ater yic. ⁴Calkë riel piändun ater yic ayëth we tueŋ, yen abï wek käŋ ŋic ku bäk la cök ke cïn diu. ⁵Na le kë dhal we bäk cïi ŋic, ke we röök tënë Nhialic yen la riel bi gäm we, rin Nhialic ë ñiëc käŋ gam ë path piände tënë raan ëbën. ⁶Ku na röökkë ka dhielkë looi ë puön cïn yic diu acïn, kuart raan ë diu acit apuöök wïr ye yom nyiään bi yäth tueŋ ku dhuk ciëen. ⁷Raan cit kënë cïi ye tak lön le yen kë bi yök tënë Nhialic. ⁸Ku yen raan kënë ë puöu rou, ku käk ye looi ëbën aacie röm.

⁹Raan ci gam ŋöŋ adhil puöu miet tënë Nhialic, rin bi ye juak bi yäth nhial, ¹⁰ku raan ajak adhil puöu miet tē dhuk Nhialic ye piny, rin ajak abï lööny wei cimën yöök tim. ¹¹Aköl ë ruel ku atuönyde ë tim nyop, ku thou yöök dhëen wën ëbën ku löönykë wei. Ku riääk dhëen den puöth wën. Yen ë kë bi rot looi tënë raan ajak aya, abï mër wei jaakde cök.

¹²Raan bi puöu miet ë raan bi këracc guum ku ŋuöt ril puöu ë gamde yic, tē lëu yen kënë, ka bi pïr akölrïëc ëbën ci Nhialic guiir ke ya ariöp tënë kacc nhiaar ye yök. ¹³Na them raan ë käk ræckä, ke cïi raan luel yepuöu ëlä, “Athëm kënë abö tënë Nhialic.” Rin acïn raan lëu ye bi Nhialic cöl aloi këracc, ku yeen guöp acie raan ë them këracc. ¹⁴Ku raan aye them këracc ye wic yepuöu ye thel wei ku deep. ¹⁵Këræc ye wic yepuöu yen ë bën rëer këya yet bi dhiëth adumuööm, ku adumuööm yen ë bën dit apeï yet bi thuöu bëëi.

¹⁶Miëthakäi nhiaar duökkë röt cöl aaye math nyin, ¹⁷kuat käpath la cök ye yök, nadë ke gëm yi aa bën nhial tënë Nhialic, Aciëŋ cak käk ë ruel nhial, ye ruelden röt waar ku yeen acie rot waar. ¹⁸Acï tak ë rot bi yo gäm pïr ë yam dhël wët ë yic, ku buk rëer tueŋ këriëc nhom ëbën.

Pïŋ ku luöci

¹⁹Muökkë kënë wenhïim miëthakäi nhiaar ke! Raan ëbën adhil käŋ lac apïŋ, ku cïi guo jam ë path, ku cïi puöu ë lac dak aya. ²⁰Riän ë puöu acïi pïr la cök wic Nhialic ye bëëi. ²¹Këya, pälkë luoi käk la biñh ë kacc yöör gup, ku kuart luoi këracc ëbën. Gamkë Nhialic piäthkun ëbën, ku wët puöth ci tääu wepuöth bi we luök.

²²Na yakë wët Nhialic piŋ ku cäk loi, ke wek aa röt math. Këya, luoi kë kecit tēde. ²³Kuat raan ë wët kënë piŋ ku cïi looi acit raan rot tiŋ macar yic. ²⁴Ee guäpde ñiëc tiŋ apath, ku na le jäl macar lööm ke go nhom mää r tē ci ye cak thin. ²⁵Ku raan ë löŋ path tiŋ ku döt yic yepuöu, löŋ puöth Nhialic yo gël buk kæracc cïi loi, acïi cit kënë, acïi ye piŋ ë path ku mër nhom ye, ku looi kecit tēde. Raan cit kënë abï Nhialic döcc kuart käk ye looi yiic ëbën.

²⁶Ye raan tak lɔn theek yen yath? Na cii raan liemde dut ka cɪn yanh theek. Ku ẽ rot math ẽ rot. ²⁷Thẽk puɔth ye Nhialic Wãda gam akɪn, kony abeer ku lãer ẽ nããnden yic, ku tiit rot kãk rec ye tɔ pinynhom.

Duɔkkẽ kɔc ye tek yiic

2 Miẽthakãi, kɔc cɪ wẽt Bãnyda Jethu Kritho la dhẽẽndit apɛi gam, wek aadhil kɔc thɔɔŋ nhiiim kuat ẽ kãk yakẽ ke looi yiic ẽbẽn. ²Tẽdẽ, tẽ bɪ raan cɪ nɛic ruk apath tẽnẽ amat, ku bɔ raan nɔŋ cieŋ alanh cɪ riããk aya. ³Na ye raan cɪ nɛic ruk yen nɛic tiŋ ẽ rot ku lẽk ye ẽlã, “Bãã nyuc tẽn tẽpath,” Ku lẽk raan nɔŋ nyin, “Lɔɔr kããc tẽẽn,” Nadẽ ke luel, “Lɔɔr nyuc piiny tẽẽn yacɔk.” ⁴Ke yin ala guɔp awuɔc cɪ yin kɔc tek yiic, ba kɔc kɔk luɔk wei, ku kẽnẽ ẽ luɔi cii path.

⁵Pieŋkẽ miẽthakãi nhiaar, Nhialic acɪ kɔc nɔŋ nyin kuẽny bei pinynhom bik ajieek ẽ gamden yic, ku ye bããny pan Nhialic keden, bããny cɪ Nhialic lueel lɔn bɪ ye gãm kɔc nhiaar ye. ⁶Ku wek aacɪ kɔc nɔŋ nyin dhɔl gup. Ye yinã, bɪ we thany nhiiim piny ku thelkẽ we tẽnẽ bẽny luk? Ajieek! ⁷Aa keek, kek aa kɔc jam wẽl rec rin puɔth raan cɪ wek wẽtde gam.

⁸Abi ya kẽpath yen luɔikẽ tẽ theek wek lɔŋ bããny Nhialic ye yɔk athor theer wẽl Nhialic yic, “Nhiar raandun akeu nhom cimẽn nhieer yin rot.” ⁹Ku na cãkkẽ kɔc ye thɔɔŋ nhiiim ẽ luɔidun yic, ke wek aala gup awuɔc, ku lɔŋ abi we tẽm awuɔc raan cɪ lɔŋ dhoŋ kɔu. ¹⁰Kuat raan ẽ lɔŋ tɔk dhoŋ kɔu kam ẽ lɔɔŋ, ee lɔɔŋ dhoŋ kɔth ẽbẽn. ¹¹Ku yen tɔɔŋ, yen ẽ ye lueel ẽlã, “Duk tiŋ raandã kɔr,” ku lueel aya, “Duk raan nãk.” Rin na cɔk alɔn kɛc yin tiŋ raandã kɔr ku yin acɪ raan nɔk, ke yin acɪ lɔŋ dhoŋ kɔu. ¹²Ye jam ku lui yɪ nɛic rot lɔn bɪ yɪ dɔm ẽ lɔŋ yɔ gẽl buk kãrec cii loi. ¹³Rin tẽ le Nhialic luk looi tẽnẽ kɔckã, acii raan cie wẽt ye pãl piny bɪ nããn. Ku pẽl piny wẽt yen aril tẽnẽ luk.

Gam ku luɔi

¹⁴Miẽthakãi, ye kẽpiath nɔ tɔ thɪn bɪ raan aa lueel ka la gam, ku aacii kãk yeke looi ye nyuɔɔth? Lẽu gam kẽnẽ bɪ ye luɔk? ¹⁵Na lɔ miẽthakui cɪ gam ku aacɪn miẽth camkẽ ku alẽth ceŋkẽ ke. ¹⁶Ye kẽpiath nɔ tɔ thɪn tẽ lẽk yin ye ke ẽlã, “Miẽthkẽ ku bãk kueth, tẽdẽ ke luel, ruɔkkẽ alẽth dhil bɪ wiir we cii nãk!” Ku acɪn kãk ca gãm ke kãk wickẽ ke ẽ piẽrden yic? ¹⁷Kẽya, gam ẽ rot ku cɪn yic luɔi path, ka cɪn yic pɪr.

¹⁸Ku abi raan ya lueel, “Raandẽt ala gam ku raandã ala luɔi,” Ku aba dhuk nhom ẽlã, “Nyuɔth ya raan cit kẽnẽ la gam ku cɪn luɔi? Yin aba nyuɔth gamdiẽ kãkkiẽn ya looi yiic.” ¹⁹Ye gam lɔn ye Nhialic tɔk?

Apath. Aye jakrec gam aya, ku leth ke ke cī riöc. ²⁰Yin raan ril nom! Wic bi nyuöth yi lon gam cin yic luoi acin koony? ²¹Abaram Wädandit theer, ci cök piny Nhialic nom kädë? Ee luode yen ë cök ye piny, wäär juer yen manhde Ithäk ariäk nom tënë Nhialic. ²²Käckë tiñ gamde ku luode aaci luui kedhie, ku gamde aci luode col ala cök. ²³Ku kë ci lueel athör theer wël Nhialic yic aci ya yic, “Abaram aci Nhialic gam, ku rin gamde yen aci Nhialic ye bën tiñ ke la cök yenhom.” Ku ye Abaram col aye mäh ë Nhialic. ²⁴Cäk tiñ, ee rin luoi path yen ë raan col ala cök ë Nhialic nom. Ku acie gam ë rot.

²⁵Ku ë yen ë ye tede kek adëjöñ col Rayäp wäär kony yen anëm koc Itharel. Wäär, lor yen ke paande, ku kony ke bik röt kual ë dhël dët.

²⁶Këya, cimën guöp cin yic wëi, ee kë ci thou, yen ë tënë gam cin yic luoi path, ee kë ci thou aya.

Dut liemdu

3 Miëthakäi, aacie we ebën wek lëu ye bäk aa koc ë piöc. Tëcit të ñieckë ye, yook koc ë piöc, luönda abi yic riel apei tënë luñ koc kök. ²Yook yodhie yok awuöc looi dhöl juéc yiic, ku na këc raan awuöc loi käk ye lueel yiic, ka la cök ku alëu bi rot muk apath alanden.

³Yok a mathiän ñak thok luuñ bi wëtda gam, ku jolku kuaath të wicku. ⁴Tädë ke yi tak riän rëër wïr, adit apei ku aye yom ril kuaath, ku alëu raan ye kuaath bi tim koor cit alau cök nom, ku jol geer ke wel nom të wic piände. ⁵Yen ë tede ke liep, akoor, ku alëu bi yenhom lec kækken dit ril yen.

Thöñ ror dittet läau yic apei, ku aye liem many thiin koor yoc. ⁶Ku liep acit mac. Yen ë këñ liäp ku bi riäak pinynhom, arëër yogup ku ye kuat kërec ebën thiäi ë guöp yic. Ee piërda dëep ë manyden bö kek ye pan mac. ⁷Acī raan lëu bi läai roor mac baai kek ye, cimën läai dit ku läai kor ku diet ku käpieny ku rec. ⁸Ku acin raan cie lëu bi liemde ñieç mac. Liep arac, acie lëu bi duut, ala yic kërec koc nök. ⁹Ayeku luöi bi yok Nhialic leec, ku lem yok miëthakäi kök ci Nhialic Wäda ke cak ke cit ye. ¹⁰Wël aleec ku lëmlëm aa bën bei ë thoñ tööñ yic. Miëthakäi peth bi rot looi këya? ¹¹Acin yinh piu path ku piu rec bëi bei ë tök kedhie. ¹²Miëthakäi tim cit ñaap, acie dhiëth ë mith tim col Olip. Ku abiëc acie dhiëth mith tim cit ñaap, tädë ke yinh lëi piëuke bi piu path.

Ñiny ë këñ bö tënë Nhialic

¹³Le raan tök kamkun ñic këñ ku ye wël deet yiic? Adhil nyuöth ë piërde yic, ku luoi path cin yic nhiaam rin ñieç ë këñ. ¹⁴Ku na ye tiel

yï reem puöu apei ku ye rot nhiër käj ë rot, ke yï duk yic dhäl ba jam ë nhiaam. ¹⁵Ŋjiny käj cit kënë acie bën pan Nhialic, ee kën pinynhom ë tën, acin yic Wëi Nhialic, ee kën jəŋrac. ¹⁶Na rëër tiel ku kë ye yin rot nhiër käj ë rot thïn, ke aliäap ku kuöc luöi, ku kuat kärec ëbën arëër thïn aya.

¹⁷Ku ŋjiny käj bö nhial, tueŋ ala yic döör ku ala yic dhëeŋ, ku gem rot tënë Nhialic, athiäŋ ë lier puöu, ku aa käpath kek aaye yök thïn, aciï kəc ye tek yiic, ku aala cök. ¹⁸Ku kəc döör looi, aa kək la cök yök döör yic.

Thönkë röt Nhialic

4 Ye tənən yen ye akëëk ku agöth ë kamkun bën thïn? Aa bën tënë kək wiëckë ke thör wepuöth, kək we cəl agöth ë kamkun. ²Wek aa wic käj, ku aa cək ë yök, wek aaci röt guiir bək nək. Wek aa wic käj ë riel ku na cäkkë ke yök, ke wek aa göth ku thärkë, kë wiëckë acək bi yök rin kəc wek Nhialic thiëc bi gäm we. ³Ku na thiëckë, ka cək yök, rin tē ye wek ye tak thïn tē wic wek ke, aciï path. Ayakë thiëc ë kəkka rin miet ë piäthkun ë rot. ⁴Kəc ci jai Nhialic! Kuöckë lən na yik raan yepuöu kək pinynhom, ke raan ë raan ater tënë Nhialic. Kuat raan ye wic bi ke nhiaar kək ë pinynhom, ee ya raan ater tënë Nhialic. ⁵Duökkë ye tak lən cin yen yic tö athör thëer wël Nhialic yic ye lueel ëlä, “Nhialic awic wëikua bik aa kəkke ë rot.” ⁶Ku dhëeŋ ci Nhialic gäm yo adit alanden. Ku yen aye athör thëer wël Nhialic lueel, “Nhialic aman nhiam ku ë dhëeŋ gäm kəc lir puöth.”

⁷Këya, thönkë röt Nhialic. Yakë jəŋrac thany wei bi kat welöm. ⁸Bäkkë ë Nhialic lööm ku abi thiök kek we. Miëetkë wecin bei kärec yiic wek kəc la gup adumuööm! Wuöönykë wepuöth wei wek kəc puöth rou! ⁹Riäökkë puöth awuööckun cək looi yiic, dhiaaukë ku ŋærkë yiic. Calkë dəl aye dhiëü. Calkë miet ë piändun aye riääk ë puöu! ¹⁰Dhuökkë röt piny ë Nhialic nhom, ku abi we jat nhial.

Duk menhkui nyieny

¹¹Miëthakäi duökkë röt ye nyieeny kamkun, kuat raan bi menhkën nyieeny ë path, tädë ke luk wei, ee löŋ yen aye dhöl ku lueel ka ciï path. Ku na luel kërac rin ë löŋ ka ciï thek, ku ye rot looi ciët yin düt tënë löŋ. ¹²Ee Nhialic rot yen ë löŋ gäm kəc, ku ë yen kəc luök wei. Yen ee raan kony ku nək aya. Ye tak ye yin ë ŋa ba menhkui luök wei?

Duökkë ye tol

¹³Pieŋkë kë lueel ëmën, ayakë lueel, “Ya akölë, tädë keye nhiäk yok abi la keny ë gen dët yic, yok aabi la rëer ë tēen ë ruöön tök, ku lok luui

buk wëëu juéc yök thïn.” ¹⁴Yin akuc kē bī rot looi tēnē piērdun nhiäk, yin acit tol ē mac, ē guo bēn nhial kam thin-nyooṭ ku go liu. ¹⁵Kē lēu ba ya lueel akīn, “Na wic Nhialic, ke yök aa pīr buk kēnē looi ku kēnē.” ¹⁶Ku emēn wek aa nhiam ku yakē tol, nhiam diit kēnē ebēn arac. ¹⁷Kēya, raan ḡic kēpath bī looi, ku aciī ye looi ala guōp awuōc diit tet.

Lēk tēnē Ajiēk

5 Ku emēn, wek kōc la kāṅ, piēṅkē wētdiē! ḡeerkē yiic ku dhiaaukē ē kārec bī bēn weyiēth aköldä! ²Jaakdun aci riääk, ku aläthkun aaci aruop cam. ³Milōōṅkun tōc ku milōōṅ thith aaci keth, ku keth kēnē yen abi diit piändun nyuooṭh aköldä, ku abi we nyop cimēn mac. Wek aaci kājuääc kuōōt yiic ē nīnkä. ⁴Wek aakēc kōc lui duōmkun yiic riop. Piēṅkē kerōt. Dhiēn kōc ē rapkun tem aaci Nhialic Madhəl dööt. ⁵Piērdun pinynhom tēn, athiāṅ yic miet piändun ē rōt. Wek aci cuai ciēt we bī nōk aköl yai. ⁶Wek aci kōc cīn gup awuōc tēm awuōc, ku näkkē ke ke kēc jai ē wētdun.

Pēl rot piny ku Rōök

⁷Miēthakāi, guōōmkē yet tē bī Bānyda bēn. Tiēṅkē, raan puōr ee yepuōu päl piny bī rapken wäär cī puur duōmde tiit bīk luok apath. Ee tiit yet bī ruēl thök bī deṅ ben tueny läkēer. ⁸Ke week aya, wek aadhil rōt päl piny, ku kääckē ē cōk rin aköl bēn ē Bēny aci thiōk.

⁹Miēthakāi, duōkkē rōt ye lom kamkun bī Nhialic we ciī luk wei. Aluōk luk aci thiōk, abi guo yēēt. ¹⁰Miēthakāi, na cī kārec we yök, ke we pēl rōt piny cimēn kōc wäär ē kāk Nhialic tiṅ ē wēl Nhialic lēk kōc. ¹¹Cimēn ḡic wek ye, aayeku cōl aaye kōc cī dōc ē rin cī kek gum. Wek aa we cī tē cī Jop guum thīn ku deet yepuōu piṅ, ku wek aaci kē cī Bēny bēn looi tiṅ, Bēny la ḡuēēn ku nhiēr.

¹²Kē tueṅ miēthakāi, duōkkē mēl ye kuēēṅ rin pan Nhialic. Tēdē ē rin piny, tēdēt ē rin kōk ē path. Luel, “Yēē,” Tē cī yin ye gam, ku luel, “Yei,” Tē kēc yin ye gam. Na cāk loi kēya ke wek aabi tēm awuōc.

¹³Na le raan tōk kamkun rēēr ater yic ka adhīl rōök. Na le raan tōōṅ mit puōu, ke cōl aket waak alēec. ¹⁴Na le raan tuany ē we ka dhil kōc diit akut kōc cī gam cōl bīk rōök rienke, ku tōckē ē miōk. ¹⁵Rōök kēnē cī looi ku le yic gam ril, ka bī raan kony bī pial rin abi Bēny cōl apuol, ku na le adumuōōm cī looi ka pēl piny. ¹⁶Kēya, lakkē adumuōōm cāk looi ē kamkun, ku ye ḡek rōök rin ē ḡek rin bī we kony. Rōök ē raan path cōl aril apei bī kōc kony. ¹⁷Elija raan kāk Nhialic tiṅ a ye raan ē path cit yo.

Ee ci röök apei bi deŋ cii tueny. Ku deŋ akëc bën tueny pinynhom run kadiäk ku abak. ¹⁸Na lä ke ben röök bi deŋ tueny bi wal cil ku lok rap pinynhom.

¹⁹Miëthakäi, na päl raan tök ë kamkun gam ë yic, ku dhuk raandët ë raan kënë thïn, ²⁰muökkë kënë nhom, kuat raan bi raan lä guöp adumuööm dhuök ciëen bi käreç ye ke looi puöl, ke yeen abi wëi kony thou yic. Ku abi pël piny adumuööm juëc bëëi tënë ye.